

藥城縣志卷末

災祥

東漢元初三年冬十一月客星在胃昴

魏太延五年夏五月太白晝見胃昴

唐中宗景龍二年有星孛於昴胃

宋仁宗寶元二年蒼黑雲起西北厯婁胃昴畢

孝宗乾道元年正月白氣出奎經胃貫入參冬十一月白氣出女厯胃

明永樂五年春三月大水

宏治八年藥城等處大饑

藥城縣志

卷末

災祥

一

宏治十四年秋七月大水大雨如注水深丈餘壞民居無算

正德七年黑晝暮出遇人爪其膚民持刀自衛數日乃止是年地震有聲傾民廬舍

十六年大有年斗粟二十錢

嘉靖八年大饑六月不雨歲荒歉瘟疾傳染死者山積十四年民訛言怪神娶民間室女愚民狂惑娶嫁殆盡二十四年冬十月桃李花浪頭村開桃花十數樹焦家莊開李花十數樹梨花數枝

三十年春三月秋九月赤風晦晝

三十六年夏六月大水

三十九年秋九月大饑春夏不雨飛蝗生蝻寸苗無遺升米八十錢民皆流入河南就食

隆慶三年夏六月大水

萬曆十八年春三月黑昏亘天

三十五年夏六月大水

四十三年冬十月蚩尤星見東南光芒噴薄狀如火樹高數十丈復有黑氣直侵紫垣七日乃滅

天啟六年秋七月大水

崇正二年夏五月蝗

藥城縣志

卷末

災祥

二

十二年大饑兵火之後蓋藏皆空盜賊蠶起人相食

十三年蝗大饑民懼法不敢爲盜皆食木皮草子蒺藜每斗賣錢五十文

國朝

順治三年秋七月飛蝗蔽天蝻生匝地鄰郡禾稼食盡知縣雷噓和朝夕拜禱蜡廟蝗不入境蝻亦自斃民獲有秋康熙七年夏六月大水浸壞北城十餘丈知縣趙炳修理如舊城趙臺等四十村房屋半漂沒

十一年夏六月大水

十六年五月初五日辰時雷震城隍廟神像自右足達左

耳黑迹一道肩有孔殿中穿一洞大如碗火殿前槐居民撲滅或以爲龍起云

十八年大旱

乾隆二十四年蝗

五十七年旱魃爲虐民間訛言有妖六月二十四日得雨乃止

五十九年大水

嘉慶七年蝗傷禾稼

十三年大雨雹地數尺

十七年薦饑十八年蝗

欒城縣志

卷末

災祥

三

二十三年四月大風數日塵土迷目定後見蛇跡

二十四年大雪沒道堙井

道光元年欒城等處時疫流行中者多死

二年三年大水

四年蝗

十五年秋穀生蟲食葉若簾

十年閏四月二十二日戌時地震有聲

十九年三月大風晝晦風定塵沙上有蛇鳥跡冬十一月

大雨雪

二十年大有年

藥城縣志卷末

志餘

曹學佺名勝記平棘舊城在趙州南三里以居入多種荆棘故名春秋時為棘蒲魯哀公三年及齊人衛孔圉鮮虞人伐晉取棘蒲漢書文帝三年濟北王興居反遣棘蒲侯柴武擊之州人至今傳有棘蒲社而柴武死則葬藥城。

按顏師古云功臣表棘蒲侯陳武平棘侯林摯是棘蒲平棘非一地 康熙志

藥別名有四漢書曰關城縣通典曰輪城縣隋書曰藥州唐書曰藥氏縣所屬四封有大白渠聖母堂減水河浪頭

藥城縣志

卷末

志餘

四

邱綿蔓水桃水成邱橋靖陽亭陳餘壘陵谷累遷故跡藥不可泥 康熙志

泚水源自封龍山經臨城縣西十五里之柏暢亭斷伏不流二百餘步復東流經釣盤山入沙河俗傳三斷綠楊河相傳陳餘兵敗問其地曰釣盤餘大驚曰魚入釣盤吾其亡矣後吳清有詩弔之曰嵐翠空濛曉未乾井陘西指路漫漫成安已去三千載泚水依然繞釣盤 康熙志引名勝志

按嘉靖郡志釣盤山在臨城縣西南五里康熙志云或云釣盤與臥龍岡接壤殊誤

藥氏食采於藥故藥叔以下皆稱藥氏左傳哀公四年國夏伐晉取邢任藥鄙注藥在趙國平棘縣西北按卽今趙

州西北故藥城與正定府藥城縣接界地理志常山郡關
縣後漢改爲藥城是矣

洪亮吉春秋論

晉靖侯子欒叔食采於欒因以爲氏子賓爲曲沃桓叔傅
子共叔名成爲翼侯傅桓公三年死翼侯之難子貞子枝
僖公二十七年文公創伯將下軍明年敗楚於城濮有大
功文公五年卒子盾謚宣子文十二年河曲之戰將下軍
子書一稱欒伯謚武子宣十二年佐下軍從荀林父救鄭
成二年從卻克敗齊於鞏四年將中軍代卻克爲政救許
伐鄭十三年敗秦於麻隧十六年伐鄭敗楚於鄢陵十七
年厲公殺三卻胥童等以甲劫書與荀偃於朝公不忍殺

藥城縣志

卷末

志餘

五

釋之公尋被偃等所弑春秋書曰晉人弑其君州蒲不書
臣君無道也十八年卒按武子於成四年將中軍爲政凡
十四年救鄭者二伐鄭者六侵蔡侵沈者各一敗秦者一
敗楚鄭者一同盟者三執諸侯之君者二鄢陵一戰幾於
射殺楚君雪邲邑之恥張中國之勢終春秋之世楚不能
報先軫趙盾而後誠振拔豪傑人也又麻隧之役六軍皆
從佐之者十一卿晉自行師以來未有如是之盛者子桓
子名厲成十六年如魯乞師襄九年圍鄭將下軍十四年
從荀偃伐秦違令獨歸且逐范鞅以致釀成曲沃之禍傳
曰厲之怨實彰不其然與厲母弟鍼成十三年伐秦十六

年鄢陵之戰皆爲戎右襄十四年伐秦赴敵而死有足嘉者厲子盈史記作藥逞一稱藥孺子襄十六年爲公族大夫十八年圍齊佐下軍以母慝舅怨爲外大父范匄所逐二十一年奔楚自楚適齊二十二年齊侯納之曲沃因魏舒以入國諸卿助范氏殺之而滅其族藥氏由是遂亡其族則有藥京廬宣十七年從卻克於齊藥弗忌成十五年三卻譖而殺之并糾成十八年悼公立爲禦戎藥魴襄十九年從孫文子伐齊二十三年盈死後奔宋藥樂助盈作亂被殺藥豹州邑大夫嗚呼盈之暱比羣小出亡復歸以亂滅族闔實其罪而武子之德在人如周人之思召公不

藥城縣志

卷末

志餘

六

容沒也漢興藥布以功名顯所至爲立藥公社史稱其梁人梁晉分地也布豈其苗裔歟

高繼珩藥氏世系考

漢廣川王好發塚發藥書塚其棺柩明器悉毀爛無餘唯見一白狐見人驚走左右逐之不得戟傷其左足是夕王夢一丈夫鬚眉盡白來謂王曰何故傷吾左足乃以杖叩王足王覺腫痛卽生瘡至死不瘥

干寶搜神記

唐太宗得蘭亭真蹟於僧辨才貞觀十年命湯普徹馮承素諸葛貞歐陽詢褚遂良臨之而歐褚畱傳最著後之所謂定武本歐所臨也所謂唐絹本褚所臨也定武本當時刻石禁中每紙已值萬錢石晉之亂契丹輦之而北路棄

藥城殺狐林慶歷中爲郡人李學究所得後其子負官緡
宋景文償以帑金納其石於庫景文定武守也故以名石
向令此石不來德光或不死德光不死定武本亦不傳天
欲假殺狐林以成歐本蘭亭之名旣死德光復貧學究詢
之幸實德光學究之大不幸也德光已矣如學究者顧不
獲一傳其名字亦憾事云

乾隆郡志

閻朝隱字友禱藥城人少與兄鏡幾弟仙舟皆著名連中
進士補陽武尉中宗爲太子朝隱以舍人倖性滑稽屬詞
奇詭爲武后所賞累遷給事中仗內供奉后有疾令往禱
少室山乃沐浴伏身俎盤爲犧請代后疾還奏會后愈大

藥城縣志

卷末

志餘

七

見褒賜其佞諂如此景龍初自崖州遇赦還累遷著作郎
先天中爲秘書少監坐事貶通州別駕卒

唐書

蘇味道貶眉州刺史一子留眉至宋三蘇俱以文章顯子
由藥城前集五十卷後集二十四卷其孫籀亦有藥城遺
言子由父子兄弟興於眉猶惓惓以藥爲念可謂不忘本
矣

康熙志

開元中宰相蘇味道與張昌齡俱有詩名暇日相遇互相
誇誚昌齡曰某詩不及相公者以無銀花合也蘇有觀燈
詩曰火樹銀花合星橋鐵鎖開暗塵隨馬去明月逐人來
味道云子詩雖無銀花合却有金銅丁昌齡贈張昌宗詩

日昔日浮邱伯今同丁令威遂同拊掌大笑

唐孟啟
本事詩

關故藥地名後漢張況爲常山關長卽此東坡官定州時
關令送魚以詩答之曰舉網驚呼得巨魚饒涎不易忍流

酥更煩赤腳長鬚老來聽西風十幅蒲

康熙志

李適贈中山楊正卿詩云世道彫喪愁天公陰霾慘慘塵
濛濛三冬不雪春未雨野桃無恙城西紅春光爲誰作駘
蕩造物似我衰龍鍾山中公子文章雄雅隨童稚學彫蟲
禍衡不遇孔文舉坡老懶事陳元龍唯之與阿將無同乾
坤萬里雙飛蓬飄飄南北東西風又江村詩云陸地無根
客江村有髮僧兩盂殘喘粥一寸苦吟燈

中州集

藥城縣志

卷末

志餘

八

李冶兩書院一在元氏縣封龍山名封龍書院漢李躬受
業地也唐郭震宋李昉元李冶皆嘗於此講學一在龍首
峯下名中峯書院宋李昉讀書之所元中統初李冶聚徒
數千人朝暮講誦不輟許衡趙復之道統由茲大振恒州
續文獻
通考

蘇天爵爲御史時江陵民文甲無子育其甥雷乙後乃生
二子而出乙乙伺甲賣茶卽舟中取斧並斫殺之沉斧水
中而血漬其衣跡獄成乙具服部使者乃以三年之疑獄
釋之天爵曰此事二年半耳且不殺人何以衣汚血又何
以知斧在水中又其居去殺人處甚近何謂疑獄常德民

盧甲莫乙汪丙三人同出傭甲誤墮水死甲弟之爲僮者欲私甲妻不得訴甲妻與乙通而殺其夫乙不能明誣服自言擊之死斷其首棄草間屍與杖棄譚氏家溝中吏往索果得髑髏然屍與杖皆無有而譚誣證曾見一屍水漂去天爵曰屍與杖縱存今經八年未有不腐者語吏曰此眞疑獄况不止三年俱釋之其明於詳讞大都類此元史元詩體要載蘇伯修送任君玉作云薇花曾見照青春今日都門又送君入蜀使迎新太守渡瀘人識舊將軍琴聲彈落巴山月馬首披開劍閣雲見說西州民事簡客來多誦長卿文詩殊清逸然確是前元大家風味按滋溪先生

藥城縣志

卷末

志餘

九

全集郡無刻本

乾隆郡志

元宋本滋溪書堂記蘇伯修多藏書習知遼金故實暨國朝碩人伐閱譜系事業碑刻文章又嗜學不厭自其會大父少長兵間已能教子其大父威如先生教其考郎中府君尤嚴先生學廣博嘗因金大明歷績算爲書數十篇厯家善之府君旣爲時循吏又好讀書教伯修如父教已有餘俸輒買書遺之久之所著遼金紀年國朝名臣事畧皆脫槩而今之諸人文章方類萃未已士大夫莫不嘆其勤伯修汲汲然至不知饑渴之切己也日謂予昔吾高王父玉城翁當國初自汴還正定買別墅縣之新市作屋三楹

置書數十卷再傳而吾王父威如先生又手自鈔校得數百卷貯之因名屋曰滋溪書堂蓋滋水道其南也歲久堂壞先人葺之不敢增損且市書益之又常因公至江南獲萬餘卷歸吾懼來者不知堂若書之始幸文之將刻石嵌壁以示嗚呼有子不知教不論教而不克如志者如志而不得及子孫者皆是也求若蘇氏四世知爲學躋哉翁之堂府君能葺之伯修能求記之翁之書先生能加多府君又益增之伯修之購求方始不第能守也非有以將之能若是乎府君葺堂不敢有加以求勝前人伯修有屋京師正定皆不敢求記獨惓惓是區區之三楹者又可以爲薄

樂城縣志

卷末

志餘

十

俗警矣抑蘇氏雖世爲學獨威如先生有著述伯修著述益富豈聞祖風而興耶然予聞自先生至伯修三世皆一子惟其能教故悉克自樹立今伯修亦一子阿瑣甫齠而穎拔可就傳伯修能繩先生義方以造之則堂暨書之傳邈乎未可繫也是爲記伯修名天爵今以翰林修撰拜南行臺監察御史云

元文類

春風亭歌爲滋溪先生作東垣城北春風亭別墅創自滋溪公蘇公風流擅當代名與恒嶽爭穹窿我聞茲亭結構始闢田植木安豐里桃杏千株樹樹花翼然亭立臨滋水春風澹蕩滋水流花開花落聞鳴鳩歲久積土高成邱先

生既去亭空留舊有讀書堂復築舒嘯臺於今廢址生蒿
萊堂中圖史安在哉憑高四望徒徘徊爲問安豐人不識
舊亭處臺榭已茫茫春風自如故荒原寂寞迷烟霧行人
祇見安豐樹先生本是濟世人先憂後樂擬退身黃農虞
夏在懷抱有志未竟何艱辛嗚呼人壽幾何時難得滋溪
終古流不息日落風吹大陸塵先生不見淚沾臆梁清標
蕉林集
懷丙元正定僧也巧思出天性藥浚河石橋銘鐵貫其中
鄉民多盜鑿鐵橋遂傾仄計非干夫不能正懷丙不役衆
工卒以術正之橋復故康熙志引續文獻通考

按志又云浚河浮梁用鐵牛八維之水漲牛沒懷
丙來大慶關以術出牛於水考大慶關在陝西朝

藥城縣志

卷末

志餘

七

邑縣韓邦靖朝邑志云土人以鐵牛鎮河置河兩
岸岸各四牛重各數萬斤下爲鐵山尾施鐵軸以
繫浮橋嘉祐中河漲橋壞盡曳西岸牛於河僧懷
丙爲機法取牛河中已得三牛會有謂牛不難得
者丙怒棄去後人用其法取牛
然竟不出據此志似附會刪之

韓林兒正定藥城人父山童以白蓮會燒香惑衆愚民信
之穎川妖人劉福通與其黨聚衆於白鹿莊輔山童謀爲
亂縣官聞而捕之擒山童其妻楊氏及子林兒匿武安山
中至正十五年福通求得林兒立爲帝都亳州僞號宋會
滁陽郭子興卒招子興子並朱元璋等輔之河南平章答
失拔都魯統兵討之敗福通於太康林兒走安豐其黨爲
義兵元帥察罕帖木兒敗走又敗於濟南勢少卻未幾黨

復熾分掠秦晉間福通自曹濮取衛輝餘賊東掠遼陽至高麗所過城邑無噍類上遣知院事達理麻失里接曹濮與福通戰歿官軍大潰答失憂憤死明年答失子孛羅帖木兒敗福通於衛輝進克曹濮福通銳攻汴梁迎林兒於安豐都之初賊黨毛貴趙均用爲林兒驍將十九年互相戕殺福通氣沮察罕發秦晉軍擊之僞宋兵潰福通復挾林兒走安豐河南次第恢復二十二年張士誠都平江遣將呂珍攻安豐林兒遣詣建康告疾兵未至珍已殺福通破安豐朱元璋璋護林兒歸建康至二十六年始殂凡建僞號十二年 參元史

藥城縣志

卷末

志餘

十三

流寇以崇正六年正月爲左良玉敗武安遂從小澗山入正定等縣井陘兵備道寇從化檄守將李定玉等堵截我兵失利賊勢猖獗八月賊屯元氏縣犯趙州抵寧晉蹂南宮而藥以蕞爾孤城岌岌乎不保寇公與大名道盧象昇皆具文武材協力從太行山西一帶百方守禦卒以左良玉尾後之力六年十一月賊乘天寒冰合自灑池縣之馬蹄窩率衆南遁畿南於是得安枕矣 康熙志參吳偉業綏寇紀畧

陳御史九德以參首相避居林下有年一日忽語親知曰我明日決諸公矣衆請其故曰昨夜夢中見正定吏役執批文相迓已簽明日辰時到任生爲御史死作城隍數其

可逃乎及期端坐而逝

康熙志引舊志

舊志云明嘉靖間趙侍御劾嚴相疏具未上夜夢一緋衣
皂帽人持簡大書治生藥書拜次晨疏入請藥城尉抵任
謁神像與夢中所見者無異乃太息曰吉凶休咎其前定
矣捐鏹數百修建等語考藥武子廟碑賜進士第署藥城
縣事定州州判前監察御史蘭谿趙時齊撰何以云藥尉
果有夢兆記文卽當載入且萬厯間耿志猶在此後何無
一字及之特爲指出無使貽誤後人

康熙志

周復元友人約游善衆寺詩折簡勞疇昔郊原此一行林
深藏古寺花晚出秋城宦海無舟楫風萍仗友生憑誰申

藥城縣志

卷末

志餘

十三

雅集數慰客中情

善衆寺石刻

吳偉業贈嘉定令張令儀詩云海上烽烟初削平風流京
兆擁專城撫民豈弟眞如子服政辛勤不近名入境野田
馴伏雉勸畊春雨聽流鶯安陽亭畔笙歌滿定有豐碑記
頌聲此詩梅村集未收按令儀宰嘉定有循聲袁重其駿
徵江南人士頌之題贈者數十家册存正定養陵村郭氏
重其孝子卽所稱負母看花者也

採訪

周體觀過藥城詩云久客忘留滯長歌發興賒春風來海
燕虛館放山花馬渡垂楊緩巾隨落日斜孤城復何處向
暮一吹笳

晴鶴堂集

顧之麟初夏登臺頭寺詩云漢時名跡寄旃檀藥氏遺風
此壯觀白玉橋長珍重過青銅柏古往還看三分春色餘
新綠百里秋毫數遠巒已是熟遊遊不盡更從初夏一憑
闌得董氏西園竹數竿種之藥署書舍賦一律云韋曲移
來竹數竿便須日日問平安就花疎處參差立趁雨晴時
洗刷看大好放梢沙路淨無多寫影月明寒園丁賴爾頻
澆灌爲鑿清池一斛寬之麟字大振號寸田浙江仁和人
乾隆丙辰進士由庶吉士改知藥城縣歷官通州知州有
寸田遺稿 阮元兩浙輶軒錄

梁肖堂藥城懷古詩云興亡一瞬歎滄桑泚水茫茫感信

藥城縣志

卷末

志餘

十四

陽剩有釣盤青照眼東流嗚咽繞城郎古柏陰森廢寺門
寒烟蔓草斷人魂棘蒲事業空臺在虛說柴侯南北村城
西古隧泣秋風千古英魂入夢中不是白狐成幻景重泉
猶闕漆燈紅十丈豐碑太息生開元詩格數輪城詞人漫
笑銀花合刪却模稜不減名 乾隆郡志

朱玉寒大令承澧感懷詩其一云送迎碌碌力全疲失足
漁磯悔已遲采菊未拋三徑夢食瓜已及六年期畧無好
景從容過剩有荒年黽勉支轉受災黎相慰藉此情眞足
挽澆漓其二浪許慈祥論未公下才何足感顛蒙保無諫
味微詞裏那得歡聲儉歲中一路流民身似葉滿槽饑馬

骨如銅長宵太息憑誰問頑鐵燈檠徹曉紅其三經年氣
候換陰晴曠廢耕耘犬夜驚何物微官能造福此邦耆老
太多情每因志小心長歛祗爲才庸過亦輕我本樸誠無
粉飾漫勞刻畫贈虛名其四脫粟常借鼓一筒寒衣典盡
破囊空災黎采拾餐難給驛使徵求力早窮考語從教書
下下鈴聲久已促東東拈毫自訂將成稿還我傳家學究
風 玉寒詩鈔

桂超萬春興八首云一官勞似爲人傭斗大孤城截要衝
貢有七千貞賦地 歲征除留支 壤無五十附庸封雄風夜

捲田驅豹 近有 靈雨春祈廟祀龍忽聽隔林鳴爲趣碧桃

樂城縣志

卷末

志餘

十五

花下勸村農其二春城曉色萬家烟古井淘沙出石泉穉
樹雨滋兒得乳頰衙風蕩客蹲船回思白屋孤雲鎖幾臥
青氍冷月圓宦路漫誇煩劇地冰清猶是十年前其二輕
車巡野盼朝暉春到烟村錦繡圍高柳露條禁鳥軟遠山
晴翠逐騶飛九衢平砥干夫助兩道深溝衆水歸 孔道苦
兩旁開溝卽 可惜長堤花種少難同潘縣鬪芳菲其四回

首江南聽鼓闌德林春意到孤寒每誇鐵案窮冤雪 時林

先生撫蘇稱余以經術爲治術又稱 相對冰心禮數寬去 少穆

歲重逢渾似夢善人在患至忘餐 去春余因 捫懷何以酬

知己治理民情洞達難 余已詳補荆溪題本以通達治其

五遠通滇粵近荆梁掌訝前驄驛道長鳥立樹頭呼客語
花開路口笑官忙庭琴書竹涼於水野柝宵巡肅似霜防
盜應須鋤盜本耕桑足後四維張其六鮮虞古國昔人爭
二百年來息甲兵北極五雲連大漠西山萬笏拱神京春
當竭澤爲霖急地近長安捧日誠試問滹沱泥淖水可能
鑑我素心清其七南人多詐北人嗤誰料譁張更過之春
市樓臺吹海蜃窮鄉室子奪林鴟何曾天網吞舟漏一藝
靈犀怪物知舊染未湔慚俗吏弭奸豈盡任鞭笞其八有
那陽春愧宋公范家憂樂與人同杏林乞藥先醫俗竹筇
多文不送窮傲骨任嘲強項令坦懷只學信天翁政餘子

藥城縣志

卷末

志餘

六

姪還親課清白相期嗣祖風又藥城官舍紀事五古十首
云憶昔初奉檄離家廿里餘羣樵指我言好官福何區少
壯苦貧賤在鄉功德無無端預推許斯譽誠不虞涓涓半
溪泉就下流通渠桔槔激之轉滋潤到高畬當官不濟物
寶山空回車永懷父老言深恐期望孤其二下車告羣神
焚疏明己意撰句懸公庭賣法腦塗地余有我如賣法腦
塗地爾敢欺心頭
有天聯句潔已敢沽名巧詐防胥吏薄俗輕彝倫蠅頭角
懸之公堂微利布教愧無方得情敢自憙素絲化爲緇染就由漸積

生鐵鑄成杵磨針良不易其三關城壤褊小通衢冠蓋交
大吏劾午至外藩九譯朝卑官非所羞敢辭迎候勞事上

分所當奈爾謙從驕供億匪云薄稱茲土地境襲人告斷
炊行人責饋牢酒池而肉林餘者遺坑塚出車古成法征
求下四郊明知民力艱不能寬其徭征盡僱鄰車居奇索
價高煎金既無術挂冠焉能逃前途飛騎來又報臨星輅
其四衝要車徒來宵小易溷跡五里二野廬遣役往潛緝
健僕住兩頭信籤當符檄以兩家丁分住南北交界更側
凡護送行旅各役俱取籤回
雪月出雲梢孤城萬家寂策馬我親巡寒柝碎空碧鐵面
冰凝鬚栗肌風伺隙執轡手全僵狐裘猶顫栗况爾行路
人鶉衣偵永夕其五藥伯遺甘棠孰如召伯多前廳古槐
樹好鳥鳴天和歲歲罩濃陰日午影婆婆我來受其庇種

藥城縣志

卷末

志餘

七

者知誰何春風暖庭階吹條成綠波翠插補空缺我手親
摩挲鵲枝詎久借願為鳩營窠因語葑屋人遍種珊瑚柯
時勸民種樹其六龍岡望西山似我九華秀玉筍插青雲槎枒

角星宿其中起伏多龍蛇挾之走縹緲煙雲空玲瓏洞天
透要知露穎奇祇在蟠根厚多士飽看山文章悟結搆邑

龍岡書院久曠余始延師課士其七白日天無光南風吹飛蝗率眾搖旌

旗驅之回風翔翔者間遺墜俄頃青疇黃火攻不能盡網

密不能張巧女從天來啄膚剗其腸去秋飛蝗過境有墜
西宮安樂兩村者正

捕間有黑蟲似飛馬蟻而大食蝗殆盡鄉人名為巧女豈予德政召仁慈謝上蒼冬

雪幸盈尺餘孽凍且僵只恐人蝗多蠶食紛披猖其八飛

礮陣雲裂刀光白於雪壯夫五十八當作勁兵閩保甲鱗
編排奸宄豈云絕捕遍毒鴉巢搜窮狡兇穴若非身手強
保無鋒刃折書生劍術疎振旅愧驚拙爭如鄭巨君鍊成
渾身鐵謂順德鄭春溪太守武勇絕倫其九放眼攬形勝朝登藥武臺左
右尋雙河源泉安在哉故道犁爲田見利忘其災歲旱澤
如煖歲潦濤如雷我爲補宜計陰雨防未來隴頭廢井修
路旁深溝開現勸民修井開溝治決恐爲害浚塞終須排何當疏
血脈不使河身埋治河滹沱支流開之恐泛溢爲害浚河宜復籌款難且源委皆他境尤難協力
是以未逮而有志焉。關於道光二十年濬治見前山川門。繼項補注其十莠草害及苗莠
言害及政去莠除其根民興務經正往時邪說行徒黨一

藥城縣志

卷末

志餘

式

何盛飛蛾撲燈光殘灰墮萬命邑風豈盡淳頗乏奇裘徑
要使主先入客來不能勝士者民之表爲我宣禁令人生
元氣充庶無寒暑病又祈雨詩云神祠伐鼓乞神恩神罔
聞知聲暗吞我縱化鳩能喚雨弱翰飛不到天關連宵雲
影織沉沉總被南風散積陰倘是涸龍無勺水我傾血淚
爾爲霖旱到心苗勢欲焚宰官應罰咎難分將身欲作西
山石不吐間雲吐雨雲養浩齋詩草

鄧湘霖常山懷古詩云將軍殺賊時膽覺渾身有太守罵
賊時不知舌在口膽一放姦魄喪舌寸斷賊衣爛嗚虜將
軍智勇敵萬夫漢賊乃操非東吳太守忠烈不獨生平原

對賊稱吾兄君不見常山已非漢唐有此膽與舌真不朽
粵西得藥城大令朱玉寒詩云朱侯詞賦挾天才吾邑
循良老更哀聞道曾無身後積可知能悟死前來五年文
酒勞相接萬里音書轉自猜料得當時羣竹馬聲聲小海
出藥臺公會改治河店為竹馬店里門小住呈諸親舊詩
云原知錦繡夜行非笑我偏殊富貴歸一謫未為鄉論鄙
再遊先覺宦情微板輿私幸長途健竹馬遙憐舊侶稀所
快脂膏會不潤間身轉為食糠肥其二更無十畝課桑麻
戶走黠黠屢集鴉俗吏何堪言報國腐儒翻藉說忘家
頻年如醉中山酒何日能乘下澤車自愧龍鍾三十九蘇句

藥城縣志

卷末

志餘

十九

拚將塵土換煙霞其三所親稠疊餽壺漿始覺莼鱸得味
長季子千金能不盡王孫一飯敢輕忘玉經再琢無真采
劍到重磨已鈍銜若問嶺南風土略猺花斂草入奚囊其
四自今懷抱復何如素志求償願尚虛作宰須逢山水縣
生兒要讀父兄書勞人草草難停轍去國遲遲亦愛廬遍
歷少時遊釣地到頭生計羨樵漁第二樣亭吟草

元董鉉錫兄絳趙二州牧董銓錫弟以勲歷通政使見嘉靖郡志

明韓琮字壽卿由吏員任陝西臨洮府大通河遞運所

所宰陞陝西布政司通番場場宰見墓碑子寵立馬東畚撰文朝侍將

軍張時行崇正十一年與子令聞同死於兵見墓碑以上續

採訪補錄於此又西營村墓碑二一書贈文林郎山東青州府臨朐縣知縣宐野張公之墓一書誥贈奉政大夫□
□陝西清吏司郎中宐野張公之墓科目事蹟名諱均無
可考並附及之以俟後人詳考焉

重修藥城縣志後序

藥志有三今所傳祇王君嵩伊脩於康熙二十二年者迄今一百六十餘年矣桂丹盟先生前宰茲土有意興脩泲襄載筆珩之謗陋何足以當重承誣諉因取舊志刪其蔓衍益以新增各條先生具疏盟於城隍之神凡採訪秉筆者必據其實垂成先生以調豐潤去事遂中

後序

一

輟今琢之明府履任之二年詢及前事慨然任剗剗之舉丹盟先生聞之捐寄五十金以為倡首琢之明府繼捐五十金爰重訪增脩而付諸梓又得馬庭實明經璋印施百五十部以廣其傳古人云莫為之前雖美弗彰莫為之後雖盛弗傳諸君子之雅意不可沒也珩忝與操觚樂觀厥成俾得藉手以復於丹盟

先生是則余之厚幸也夫刊成因並志
其始末以書於後

道光二十有七年歲在丁未七月寶坻

高繼珩謹識



後序

二